

毘婆沙論


古籍

才二十八

箴八

三百字七

50398



阿毗曇毗婆沙論卷第二十八

篇

迦旃延子造

五百羅漢釋

北涼沙門浮陀跋摩共造秦譯

便捷度不善品之四

問曰何故說我語取為以所行故為以境界
故若以所行為我語取者身見亦應是我語
取所以者何行我行故若以境界者境界中
無我或有作是答者不以所行故亦不以境
界故若以所行是我語取者身見應是我語
取所以者何行我行故亦不以境界境界中
無有我故但欲界諸煩惱除見餘立欲取色
無色界諸煩惱除見立我語取問曰何故欲
界諸煩惱除見不立欲取色無色界諸煩惱



除見立我語取荅曰欲界諸煩惱因欲造自身時須俱須境界須具色界諸煩惱造自身時不因欲不須俱不須境界不須具復次欲界諸煩惱因欲故生因境界故生因具故生因他故生樂色無色界諸煩惱不因欲不境界不因具不因他生樂但因我生復次欲界諸煩惱不因定能造自身亦因內物亦因外物色無色界諸煩惱因定造自身因內物不因外物復次欲界諸煩惱不能造廣大自身亦不以遠相續色無色界諸煩惱能造廣大身以遠相續如阿迦膩吒天身長万六千由旬是故欲界諸煩惱除見立欲取色無色

界諸煩惱除見立我語取

佛經說此四取皆以無明爲本。因無明生因
無明集。問曰：如諸經說皆愛緣取，此中何故
說無明爲本，乃至廣說。答曰：以近因故說愛
緣取，以遠因故說無明爲本。因集如近遠在
此在彼，俱不俱此身他身說亦如是。復次以
相似因故說愛緣取，以相似因一切徧因故
說無明爲本。因集復次爲諸外道故作如是
說。諸外道無有居家亦不積聚不貪著境界
作諸惡行故墮於惡趣，以無明故染著諸見
墮於惡道。問曰：如愛攝在取中，何以說愛緣
取耶。

答曰始生愛名愛增廣名取故名愛緣取復
次下者名愛上者名取

四縛貪身縛恚身縛戒取身縛見取身縛問
曰四縛體性是何答曰有二十八種貪身縛
是欲愛有五種通六識身恚身縛有五種通
六識身戒取身縛三界有六種見取身縛三
界有十二種此二十八種是四縛體乃至廣
說已說體性所以今當說何故名縛縛有何
義答曰繫義是縛義相續義是縛義繫義是
縛義者此四縛等繫衆生繫已復繫集法經
亦說若不斷貪不知貪皆是一切處受身因
緣等繫衆上繫已復繫譬如善巧繫花鬘師

花鬘弟子以種種花積集於前然後經縷作
種種鬘縷是花因亦是花緣等繫諸華繫已
復繫彼亦如是恚身縛戒取身縛見取身縛
說亦如是相續義是縛義者如經說以三事
合故入母胎一父母俱有染心二其母無病
亦復值時三受身者現在前或有欲心或有
恚心以是事故相續義是縛義問曰若繫義
是縛義者縛所不攝餘煩惱亦繫衆生於生
死中等縛縛已復縛四縛有何異義世尊別
立縛耶荅曰此是世尊有餘之說乃至廣說
尊者波奢說曰世尊決定知法相亦知勢用
餘人所不知若法有縛相者立縛無者不立

尊者瞿沙說曰佛知四縛等繫衆生繫已復
繫速疾偏重親近非餘煩惱是故立縛復次
此縛於諸煩惱偏繫在家出家貪身縛恚身
縛偏繫在家人戒取身縛見取身縛偏繫出
家人如在家出家有家無家有積聚無積聚
當知亦如是復次四縛偏重繫縛三界衆生
貪身縛恚身縛偏重繫縛欲界衆生戒取身
縛見取身縛偏重繫縛色無色界衆生復次
此四縛是二種使鬪諍根本貪身縛恚身縛
能起愛恚使鬪諍根本戒取身縛見取身縛
能起見使鬪諍根本如經說執杖持澡罐婆
羅門往詣尊者迦旃延所作如是問何因何

緣利利還共利利鬪婆羅門還共婆羅門鬪毗舍還共毗舍鬪首陀還共首陀鬪彼尊者荅言婆羅門彼因貪著欲愛故利利還共利利鬪乃至首陀首陀共鬪又問出家之人無有居家無所積聚以何因緣而共鬪耶迦梅延荅曰以各於所見而起愛著如二鬪諍根本二邊二箭二戲論二道當知亦是復次此現門現略現始入諸煩惱或見道斷或見道修道斷若說戒取身縛見取身縛當知已說見道所斷諸煩惱若說貪身縛恚身縛當知已說見道修道所斷諸煩惱復次諸煩惱或是一切遍或非一切遍若說後二身縛當

知已說一切遍煩惱若說前二身縛當知已
說非一切徧諸煩惱復次諸煩惱或是見性
或非見性若說後二身縛當知已說見性諸
煩惱若說前二身縛當知已說非見性諸煩
惱復次諸煩惱或凡夫人所行或凡夫聖人
所行若說後二身縛當知已說凡夫所行諸
煩惱若說前二身縛當知已說凡夫聖人所
行諸煩惱復次諸煩惱或性欣踊或性憂感
若說恚身縛當知已說憂感諸煩惱若說餘
身縛當知已說欣踊性諸煩惱是故說爲現
門現略現初入

五蓋欲愛蓋恚蓋睡眠蓋掉悔蓋疑蓋問曰

蓋體性是何答曰有三十種欲愛蓋有五種
通六識身恚蓋有五種通六識身睡掉俱在
三界五種斷通六識身是不善無記不善者
立蓋無記者不立有十種眠在欲界五行所
斷是意地是善不善無記不善者立蓋善無
記不立有五種悔是欲界修道所斷在意地
是善不善不善者立蓋善者不立有一種疑
在三界四種所斷在意地是不善無記不善
者立蓋無記不立有四種此三十種是五蓋
體蓋有何相尊者須蜜說曰體即是相相
即是體諸法不可離體別說於相復次專求
欲是欲愛相於衆生生恚害是恚相令身心

覆沒是睡相不動是眠相不休息是掉相剋
心悔是悔相心於所行不決定是疑相

已說蓋體相所以今當說何故名蓋蓋是何
義答曰障義是蓋義破義是蓋義壞義是蓋
義墮義是蓋義卧義是蓋義障義是蓋義者
障於聖道及聖道方便善根如經說比丘當
知此五種樹名為大樹種子雖小而枝體大
覆餘小樹令餘小樹破壞墮卧云何為五一
名于闍那二名迦毗多羅三名阿濕婆多四
名優曇跋羅五名尼拘陀諸小樹為此諸大
樹所覆不能生於花草如是衆生欲界心樹
為蓋所覆不能生覺意華及沙門果是故障

義是蓋義破義壞義墮義卧義是蓋義

問曰若障聖道及聖道方便善根是蓋義音
蓋所不攝餘煩惱亦障聖道及聖道方便善
根亦應是蓋此諸煩惱有何異義世尊獨立
盡耶

答曰或有說者此是世尊有餘之說乃至爲
受化者故尊者波奢說曰佛決定知法相亦
知勢用餘人所不知乃至廣說尊者瞿沙說
曰佛知此五蓋乃至障衆生聖道及聖道方
便善根非餘煩惱復次此蓋亦障因時亦障
果時因時障者五蓋一一蓋現在前時則不
得生有漏善心及不隱沒無記心何況聖道

及聖道方便善根果時障者以五蓋果故生
惡趣中則障一切諸善功德復次此五蓋欲
界衆生數數行行時微細欲界所有衆生行
慢者甚少如生地獄中能起是慢我受苦勝
他耶畜生中如蝦蟇等以愚癡故不能起諸
見是故尊者瞿沙作如是說一切煩惱盡障
聖道與聖道相違但五蓋數數行行時微細
世尊立蓋復次此蓋爲定及爲定果而作留
難復次此蓋障三界離欲法障九斷知無漏
果障四沙門果復次欲愛蓋遠離欲愛寂滅
法慧蓋遠離慧寂滅法睡眠蓋遠離慧法掉
悔蓋遠離定法遠離欲愛慧寂滅定慧故今

疑箭在心生為有善惡業報為無耶復次
愛恚壞於戒身睡眠壞於慧身掉悔壞於定
身壞三種身故疑心猶豫為有善惡業報不
耶如壞三戒害三戒亦如是如三戒三修三
淨亦如是復次此現門現略現始入此諸煩
惱或一種斷或四種斷或五種斷若說悔當
知已說一種斷者若說疑當知已說四種斷
者若說餘者當知已說五種斷者復次此語
煩惱或見道斷或修道斷或見道修道斷若
說疑當知已說見道斷者若說悔當知已說
修道斷者若說餘當知已說見道修道斷者
問曰蓋名有五體有幾耶答曰名有五體有

七欲愛蓋名有一體有一恚蓋疑蓋亦如是
睡眠蓋名有一體有二掉悔亦亦是爲五蓋
名有五體有七如名體數體名異體異名異
相體異相分別名分別體知名知體當知亦
如是問曰何故欲愛蓋恚蓋疑蓋一體立蓋
睡眠掉悔二體立蓋尊者波奢說曰佛決定
知法相亦知勢用餘人所不知乃至廣說復
次若是使性亦是纏性者一體立蓋若是纏
性非是使性二體立蓋復次有滿足煩惱不
滿足煩惱滿足煩惱者謂結縛使垢纏與此
相違名不滿足諸滿足者一體立蓋不滿足
者二體立蓋復次以三事故立蓋一食一對

治一等重擔欲蓋以何爲食荅曰食於淨想
以何爲對治荅曰不淨以一食一對治故一
體立蓋恚蓋以何爲食荅曰以害相爲食以
何爲對治

荅曰以慈以一食一對治故一體立蓋疑以
何爲食荅曰以於世相猶豫爲食以何爲對

治荅曰以觀緣起法以一食一對治故一體

立蓋睡眠以何爲食荅曰以五法爲食一瞪

瞢二愁憤三欠呿四食不消化五心悶以何

爲對治荅曰以慧以五食一對治故二體立

蓋掉悔以何爲食荅曰以四法爲食一念親

屬二念國土三念不欲死四念曾所更喜笑

遊戲種種樂事以何爲對治。答曰：以定。以四
食一對治。故二體立。蓋等重擔者欲愛。蓋志
蓋疑。蓋一體能負。蓋義重擔。睡眠掉悔。蓋二
體能負。蓋義重擔。猶如村中事務。一人能辦
則立一人。一人不能辦者則立多人。亦如以
椽蓋屋。強者用一。弱者用二。彼亦如是。是故
一食一對治。一等重擔者立一蓋。
問曰：何故世尊先說欲愛。蓋次說志。蓋後說
疑。蓋答曰：如是說者則文隨順。復次若作是
說。師授則易。弟子受亦易。復次隨順。生時故
蓋生時先生欲愛。後生志疑。是故世尊後說
志疑。尊者。和須蜜說曰：愛著妙境界。故生欲

愛蓋失妙境界故生恚蓋失妙境界心沒故
生睡蓋睡覆心故生眠蓋從眠起生掉蓋掉
心生悔悔隨順疑蓋便生

佛經說五蓋或復有十問曰五蓋云何或時
有十答曰以三事故一以緣內緣外二以體
性三以善不善法緣內緣外者欲愛體有緣
內生有緣外生內外生愛俱亦是蓋亦障於
慧不生菩提不到涅槃恚蓋亦如是體性者
睡眠掉悔蓋亦障於慧不生菩提不到涅槃
以善不善法者有疑於善法猶豫有疑於不
善法猶豫俱是疑蓋亦障於慧不生菩提不
到涅槃以是三事故立蓋或說有十

七使中慢使見使無明使一切色無色界使
不立蓋問曰何故慢使不立蓋荅曰蓋覆沒
於心慢令心高問曰無明何故不立蓋荅曰
等負重義是蓋義無明負重偏多問曰見使
何故不立蓋荅曰蓋能滅慧見體是慧不可
以慧滅慧如是因論生論如蓋能滅一切善
心心數法此中何以但說滅慧荅曰以慧名
勝義亦勝故彼聚中誰為最勝慧為最勝若
滅於慧何況餘者猶如健夫能害千人敵者
何況餘小者問曰何故色無色界使不立蓋
荅曰以無蓋義故是以不立復次蓋障礙三
界離欲法色無色界煩惱不障礙三界離欲

法復次蓋障礙九斷知果無漏道色無色界
煩惱不障礙九斷知果無漏道復次蓋能障
礙四沙門果色無色界煩惱不能障礙四沙
門果復次蓋前爲定作留難色無色界煩惱
不爲定作留難復次蓋能障礙三道謂見道
修道無學道色無色界煩惱不障礙三道復
次蓋能障礙三根謂未知欲知根知根已知
根色無色界煩惱不障礙三根如三根三種
菩提三種慧三種戒三種身三修三淨當知
亦如是復次蓋一向不善色無色界煩惱非
不善如是因論生論何故惟立不善爲蓋答
曰以對善法聚故世尊獨立不善爲蓋如經說

比丘何等是善法聚應答四念處是若問誰
是其對應答不善法聚是若問何者是不善
法聚應答五蓋是是故尊者瞿沙作如是說欲
界衆生數數行此煩惱行時微細不覺是過
是故爲於衆生說名不善

佛經說無明覆愛結縛愚者所行聰明亦然
問曰如無明亦能覆亦能繫愛亦能覆亦能
繫何故說無明能覆不說繫說愛能繫不說
覆答曰應說而不說者當知此是如來有餘
之說復次欲以種種說種種文莊嚴於義若
以種種說種種文莊嚴於義義則易解復次
欲現二門如說無明是覆愛亦是覆如說愛

是繫無明亦是繫是故欲現二門乃至廣說
復次先作是說障義是蓋義更無有使障衆
生慧眼與無明等繫義是結義更無有使繫
於衆生如愛結者如衆生爲無明所盲愛結
所繫以盲以繫故不能得趣涅槃此中應說
二賊喻是故尊者瞿沙作如是說無明盲衆
生愛能繫是以不善法得生是中應說二賊
喻復次從多分故無明多覆衆生愛多繫衆
生復次無明覆義多愛繫義多

五結愛結恚結慢結嫉結慳結問曰此五結
體性是何荅曰有三十七種愛結三界有十
五種慢亦如是恚結有五種嫉結慳結欲界

修道所斷有二種此三十七種是五結體乃至廣說已說體性所以今當說何故名結結有何義荅曰繫義是結義廣說如三結處五下分結欲愛結恚結身見戒取疑問曰五下分結體性是何荅曰有三十一種欲愛結有五種通六識身恚結有五種通六識身身見三界見苦所斷有三種戒取三界見苦見道所斷有六種疑三界見苦集滅道所斷有十二種此三十一種是五下分結體乃至廣說已說體性所以今當說何故名下分結下分結有何義荅曰下界所行故名下復次下界所斷能令下生相續能生下報果依果以是

事故名下分結下界者是欲界問曰若然者一切煩惱盡下界所行六十四使是下界所斷三十六是欲界繫二十八是非想非非想處繫三十六能令下界生相續三十四能生下界依果報果二唯生依果如是等煩惱皆有下分義何故世尊惟說五結是下分結尊者波奢說曰佛世尊決定知法相亦知勢用餘人所不知乃至廣說尊者瞿沙說曰佛知此五下分結速疾偏重親近下界所行下界中斷令下界生相續能生下界依果報果非餘煩惱是故說下分結復次有二種下一界下二衆生下界下者是欲界衆生下者是凡

夫分衆生所以不能出下界者爲是何過。皆是欲愛結恚結。過衆生所以不能過下。凡夫分者皆是身見戒取疑。過如說下界下地亦如是。復次此五下分結於欲界衆生。猶如獄卒伺捕之人。欲愛結恚結。猶如獄卒身見戒取疑。猶如伺捕之人。譬如有人閉在獄中。令二人守之。使不得出。令三人伺捕此人。若以親友若以眷屬。若以錢財。若以傷害獄卒而走出者。乃至遠去。汝等三人必當將還。閉在獄中。獄如欲界。被閉人如凡夫。二獄卒如欲愛結。恚結。身見戒取疑。如三伺捕人。或有衆生以不淨觀傷害欲愛結。慈觀傷害恚結。離

欲界欲乃至無所有處欲生非想非非想處
身見戒取疑還復將來閉在欲界獄中是故
尊者瞿沙作如是說若不斷二法則不出欲
界不斷三法則還生欲界尊者婆摩勒說曰
以爲二種結所縛故不出欲界不斷三結故
必還生欲界復次此是現門現略現始入此
諸煩惱或一種斷或二種斷或四種斷或五
種斷若說身見當知已說一種斷者若說戒
取當知已說二種斷者若說疑當知已說四
種斷者若說愛恚當知已說五種斷者若問
愛恚何以立下分結中應答如不善根中若
問何以說三結立下分結中應答如三結中

佛經說告諸比丘汝等受持我所說五下分結耶

尔時長老摩勒迦子在會中坐即從座起偏袒右肩合掌向佛而白佛言我受持世尊所說五下分結佛問摩勒迦子汝云何受持我所說五下分結耶彼荅言世尊說欲愛是下分結我受持之說志身見戒取疑是下分結我受持之佛告之言愚人汝若如是受持我所說者外道異學當呵責汝如嬰孩小兒仰卧牀中尚無欲心況爲欲蓋所覆雖不欲蓋所覆亦不得言不爲欲使所使廣說如經彼嬰孩小兒於色不識欲心乃至不識法可言

無有使耶問曰佛經說五下分結彼亦如是
受持何故呵責摩勒迦子耶荅曰不以文故
以不解義故責其義不責其文長老摩勒迦
子作如是說煩惱若行是下分結煩惱若不
行者非下分結世尊說使若不斷是下分結
不必行與不行復次摩勒迦子說使若現前
行是五下分結佛說若成就則是在於三世
不必現在復次長老摩勒迦子說使沒溺於
心是結佛說有諸使得是結如說若不善知
見斷欲愛所起之處不名無使恚乃至疑說
亦如是

五上分結色愛無色愛掉慢無明問曰五上

分結體性是何荅曰有八種色愛色界修道
所斷有一種無色愛無色界修道所斷有一
種掉慢無明是色無色界修道所斷有六種
此八種是色無色界修道所斷乃至廣說已
說體性所以今當說何故名上分結上分結
有何義荅曰趣上義是上分結義向上義是上
上分結義今上生相續義是上分結義問曰
若趣上義向上義今上生相續義是上分結
義者彼諸煩惱不應立流所以者何漂義流
下義是流義漂諸衆生諸界諸趣諸生生死
中故荅曰流義異上分結義異亦以界故立
上分結此諸煩惱今衆生趣上向止今上生

相續以無解脫正智無漏聖道善法故立流
此諸煩惱衆生雖生有頂猶爲流所漂不至
解脫正智無漏聖道善法中故是故尊者瞿
沙作如是說衆生雖久生在上猶爲流所漂
問曰愛何故立二上分結掉慢無明各立一
耶荅曰掉慢無明亦應說如愛立二上分結
而不說者當知此說有餘復次欲以種種文
種種說莊嚴於義若以種種文種種說莊嚴
於義義則易解復次欲現二種門如愛立二
種掉慢無明亦應立二種如掉慢無明立一
種愛亦應說一種如是上分結體或四或八
如二門二俱通亦如是復次以愛故界別地

別體別能生諸煩惱廣說如解愛處

此上分結修道所斷問曰何故上分結唯修道所斷答曰上分結能令趣上不墮下見道所斷煩惱能令衆生趣上亦令墮下復次上分結是聖人所行非凡夫所行聖人中是阿那含所行非斯陀含須陀洹所行如是因論生論問曰何故上分結阿那含所行非斯陀含須陀洹所行答曰以阿那含一向上生斯陀含須陀洹亦上生亦下生故復次若出界得果者此身中則行上分結須陀洹斯陀含雖得果不出界復次若出界永斷不善結者則行上分結須陀洹斯陀含亦不出界亦不

永斷不善結復次。若出界永斷下分結者。彼身中則行上分結。須陁洹斯陁舍。不出界亦不永斷。下分結復次。此煩惱立各別異。若身中立上分結。則不立下分結。若身中立下分結。則不立上分結。復次。更不復行。凡夫所行法。故立上分結。須陁洹斯陁舍。猶行。凡夫所行法。凡夫所行法者。共男女同一牀。宿衣。僑奢耶衣。著華鬘。以栴檀種種香塗身。畜金銀受用。金銀器。駢使奴婢。僮僕。亦以手搏頂頭。以瓊鞭人。起如是等身業。共妻婦寢宿。摩觸滑人生細滑想。如是等。凡夫所行法。復次。更不入母胎流血中生。不住生藏。熟藏。如是身。

中立上分結如經說質多居士語諸親里洪
等當知我更不入母胎廣說如上。是故尊者
瞿沙作如是說。若解脫欲恚則解脫入母胎
問曰。上分結中掉體為是結非。若是結者。波
伽羅那所說云何。通如說云何。結法。荅言。九
結是云何。非結法。荅言。除九結餘法是也。若
非結者。此經云何。通如說云何。上分結。荅言。
色愛無色愛掉慢無明。荅曰。應作是說。是結
問曰。若然者。此經善通波伽羅那所說云何。
通荅曰。西方沙門誦持波伽羅那經。作如是
說云何。結法。荅言。九結及五上分結中掉是
也。云何。非結法。荅言。除九結及五上分結中

掉餘法是也。罽賓沙門非如是說。問曰：何故？
罽賓沙門非如是說。答曰：罽賓沙門應如西
方沙門所說而不說者，有何意耶？答曰：以掉
是壞相，或少分是結，少分非結，或於一人是結，
或於一人非結，或時是結，或時非結，少分是結，
少分非結者，色、無色界是結，欲界非結，或於

卷之四 罽賓沙門論三

一人是結，或於一人非結者，於聖人是結，於
凡夫人非結，或時是結，或時非結者，聖人未
離欲界，欲非結，離欲界，欲是結，以掉如是壞
相，故罽賓沙門所以不說如是，因論生論，何
故？色、無色界掉立結，欲界掉不立。答曰：欲界
是不定界，非修地，非離欲地，此中無如是定。

為掉所亂是故欲界掉不立於結色無色界
是定界是修地是離欲地彼中四枝五枝定
為掉所亂是故立結如村落中若村落邊在
處雖有大聲不能作患阿練若住處雖復小
聲猶以為患彼亦如是復次欲界多諸非法
想煩惱如恨很誑諂憍害如是等煩惱障覆
於掉不得明了是故欲界掉不立是結色無
色界無非法想煩惱彼中掉明了是故立結
如村落中村落邊住處多諸行惡比丘而不
可識若至阿練若住處遠來可識

阿毗曇毗婆沙論卷第三十八

箴

澡盥

二早音貫

蝦蟇

二霞麻字音

擔擔

反尸上

正瞪瞞

上都音

都

反下

莫登反

反

憤

反俱姝

欠

反上

下音敵

徒的

伺捕

上相

寺反

嬰孩

下一戶

盈

反

沒溺

的及反

衣憍

聲上去

手搏

博下音

寢

反七

錦

反

